



Borgarráð

Starfshópur um mótun stefnu Reykjavíkurborgar um aðkomu að sjálfstætt starfandi leik- og grunnskólum

Hjálögð drög að erindisbréfi starfshóps um mótun stefnu Reykjavíkurborgar um aðkomu að sjálfstætt starfandi leik- og grunnskólum eru lögð fram til kynningar. Hlutverk hópsins er að móta drög að stefnu og tillögum um aðkomu Reykjavíkurborgar þegar kemur að sjálfstætt starfandi leikskólum og grunnskólum, þar sem jafnræði og gegnsæi er haft að leiðarljósi þegar kemur að aðkomu og framlögum Reykjavíkurborgar.

Dagur B. Eggertsson
borgarstjóri

Hjálagt:

Erindisbréf um mótun stefnu Reykjavíkurborgar um aðkomu að sjálfstætt starfandi leik- og grunnskólum, drög.



ERINDISBRÉF

Starfshópur um mótun stefnu Reykjavíkurborgar um aðkomu að sjálfstætt starfandi leik- og grunnskólum

Ábyrgðarmaður:

Borgarstjóri.

Inngangur:

Reykjavíkurborg er með þjónustusamninga við 17 sjálfstætt starfandi leikskóla og 6 sjálfstætt starfandi grunnskóla. Starfsemi þeirra tekur m.a. mið af reglugerð nr. 1150/2018 um sjálfstætt rekna skóla, reglur Reykjavíkurborgar um leyfi til reksturs leikskóla sem byggja á lögum um leikskóla nr. 90/2008, samþykkt um framlag til sjálfstætt starfandi grunnskóla vegna reykvískra nemenda sem stunda þar nám og lögum um grunnskóla nr. 91/2008. Sjálfstætt starfandi leikskólar og grunnskólar hafa leitað til Reykjavíkurborgar með formleg erindi um aukna kostnaðarþátttöku borgarinnar í byggingu skólahúsnæðis, um aukið fjárframlag miðað við gildandi þjónustusamninga og um framtíð einstakra grunn- og leikskóla. Þess vegna er mikilvægt að Reykjavíkurborg móti sér stefnu um heildstæða nálgun um starfsemi sjálfstætt starfandi leik- og grunnskóla.

Hlutverk:

Að móta drög að stefnu og tillögum um aðkomu Reykjavíkurborgar þegar kemur að sjálfstætt starfandi leikskólum og grunnskólum, þar sem jafnræði og gegnsæi er haft að leiðarljósi þegar kemur að aðkomu og framlögum Reykjavíkurborgar.

Helstu verkefni/viðfangsefni:

- Samantekt um lagalegt umhverfi sjálfstætt starfandi skóla og ákvæði laga um þátttöku og skyldur sveitarfélaga, þmt um stofnkostnað og rekstur húsnæðis sjálfstætt rekinna skóla, séu slíkar skyldur fyrir hendi.
- Samantekt um núverandi framkvæmd og ákvæði í þjónustusamningum Reykjavíkurborgar við sjálfstætt starfandi skóla.
- Mótun stefnu um heildstæða nálgun Reykjavíkurborgar um húsnæðismál sjálfstætt starfandi leik- og grunnskóla sem eru reknir á grundvelli þjónustusamnings við Reykjavíkurborg.
- Gerð tillagna/reglna um aðkomu Reykjavíkurborgar þegar kemur að sjálfstætt starfandi leikskólum og grunnskólum þar sem horft verði til þjónustusamninga, fjárframlaga, húsnæðismála, stofnstyrkja, leigusamninga, eftirlits sem og annarra þátta sem máli kunna að skipta í þessu samhengi þar sem jafnræði og gegnsæi sé haft að leiðarljósi.
- Eftir atvikum, kostnaðarmat sviðsmynda/tillagna.

Starfshópin/stýrihópin skipa:

Helgi Grímsson, sviðsstjóri SFS, formaður
Guðrún Sigtryggisdóttir, lögfræðingur SFS
Kristján Gunnarsson, fjármálastjóri SFS



Reykjavíkurborg

Anna Guðrún Árnadóttir, lögfræðingur hjá Borgarlögmanni
Guðný María Jóhannsdóttir, verkefnastjóri SBB

Starfsmaður/verkefnisstjóri starfshópsins:

Birgir Björn Sigurjónsson, skrifstofa borgarstjóra og borgarritara.

Til ráðgjafar og samstarfs:

Starfshópurinn leiti ráðgjafar innan og utan borgarkerfisins hjá aðilum sem hafa sérþekkingu á viðfangsefninu. Haft verði samráð við helstu hagsmunaaðila eins og Samtök sjálfstæðra skóla.

Starfstímabil og skil:

Starfshópurinn starfi frá 10. febrúar til 15. apríl 2022 og skili drögum að stefnu og tillögum um aðkomu Reykjavíkurborgar þegar kemur að sjálfstætt starfandi leikskólum og grunnskólum til borgarráðs við lok starfstímabilsins.

Reykjavík, [Dags.]

Dagur B. Eggertsson